

山谷全集 外集

十六

内閣文庫	
番 號	漢 17781
冊 數	36 (16)
函 號	119 1



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり

豫章黃先生外集第七

黃庭堅曾直

律詩一百六十四首

叔父釣亭

夜發分寧寄杜澗叟

元豐癸亥經行石潭寺見舊和栖蟾詩甚可笑

因前樹滅藁別和一章

題馬當山魯望亭四首

次韻胡彦明同年羈旅京師寄李飛三章

上蕭家峽

何蕭二族

魏夫人壇

隱梅福處

蕭子雲宅

避秦十人

黃淮

到官歸志浩然二絕句

出迎使客質明放船自瓦窰歸

送酒與畢大夫

次韻奉寄子由

再次韻奉答子由

再次韻寄子由

次韻寄上七兄

吉老受秋租輒成長句

再次韻和吉老

招吉老子範觀梅花

寄黃從善

登快閣

題息軒

從時中乞蒲團

答余洪範二首

題安福李令朝華亭

寄舒申之戶曹

次韻吉老十小詩

歐陽從道許寄金橘以詩寄之

黃幾復自海上寄志全

和七兄山叢湯

英棊二首呈任公

次韻幾復答予所贈二物三首

靜居寺上方南入一徑石山臺氣象甚也

侯尉之吉水覆按未歸二日泥雨戲成寄之

侯尉家聽琵琶

次韻吉老寄君庸

寄袁守廖獻卿

廖袁州次韻見答并寄黃靖國再生傳次韻寄之

袁州劉司法亦和予摩字詩因次韻寄之

次韻奉答吉老并寄何君庸

聞吉老縣丞按田在萬安山中

次韻喜陳吉老還家二絕

再次韻和答吉老二首

雙間寺二首

醪醑

奉答李和甫代簡二絕句

次韻奉答袁州懷舊隱之詩

觀王主簿家醪醑社日奉寄君庸主簿

北窻

洪範以不合俗人題廳壁二絕句次韻和之

次韻答杜仲觀二絕再次韻杜仲觀二絕

次韻元翁從王夔玉借書

奉和孫承議謝送菜絕句

學元翁作女兒浦口詩

去歲和元翁重到雙澗寺

次韻知命入青原山口

次韻吉老知命同遊青原二首

次韻答十九叔父臺源

次韻曾都曹喜雨

和李才甫先輩快閣五首

幾道復覓檳榔發贛上寄余洪範

同韻和元明兄知命弟九日相憶

題吉州承天院清涼軒

題槐安閣太和奉呈吉老縣丞

立春

子範徼巡諸鄉捕逐群盜幾盡輒作長句勞苦

行李喜太守畢朝散致政

戲贈南安倅柳朝散睡起

次韻君庸寓慈雲寺待韶惠錢不至

次韻奉答存道主簿題神移仁壽塔

題海首座壁

題仁上座畫松

次韻漢公招七兄

送高士敦赴成都鈐轄二首

次韻子瞻元夕扈從端門三首

次韻子瞻送穆父二絕

和子瞻內翰題公擇舅中丞山房

以潞公所惠揀芽送公擇次舊韻

承吏部蘇尚書右選胡侍郎皆和鄙句次韻道謝

奉同公擇作揀芽詩

今歲官茶極妙而難為賞音者戲作兩詩用前韻

公擇用前韻朝戲雙井

又戲為雙井解嘲

奉同六舅尚書詠茶碾煎烹三首

王立之以小詩送並帶牡丹戲答

題子瞻書詩後

戲贈高述

與李公擇道中見兩客布衣班荆而坐對戲奕

秋因作一絕

題歸去來圖二首

題陽關圖二首

次韻荅少章聞鴈聽雞二首

題王居士所藏王友畫桃花二首

戲荅仇夢得承制二首

題李十八知常軒

次韻奉荅吉鄰機宜

送曹黔南口號

題劉氏所藏展子虔感應觀音二首

以虎臂杖送李任道二首

謝周文之送猶

戲呈田子平

太平州作二首

長沙留別

贈花光老

題花光老為曾公卷作水邊梅

清明

叔父釣亭

檻外溪風拂面涼，四圍春草自鉏荒。陸沉霜髮為鈎直，柳貫錦鱗綠餌香。影落華亭千尺月，夢通岐下六州王。麒麟臥笑功名骨，不道山林日月長。

夜發分寧寄杜澗叟

陽關一曲水東流，唯此離腸一釣舟。我自只如常日醉，滿

川風月替人愁

元豐癸亥經行石潭寺見舊和栖蟾詩甚可笑因

削拊滅藁別和一章

千里追奔兩蝸角，百年得意大槐宮。空餘祇夜數行墨，不見伽黎一臂風。俗眼只如當日白，我顏非復向來紅。浮生不作游絲上，即在塵沙逐轉蓬。

題馬當山魯望亭四首

彭澤舊治所

馬當一曲孤煙人物，于今眇然不見繞。離黃菊誰收種，林

圭田

一作有地有荒坑，船無人更與酒錢。

右元亮

鯨波橫流砥柱虎口，活國宗臣小屈。少日弦歌百里不誣

莫言天下歸仁

右伏梁公

不見魯公斷石誰家為，礎為杠筆法雖沙屋漏。心期曉日

秋霜

右顏魯公

空澤道人高古文章白髮蕭條一作文章歲寒後凋欲問勒銘遺墨應書水府絞綃

右陸魯望

次韻胡考明同年羈旅京師寄李子飛三章一章道其困窮二章勸之歸三章言我亦欲歸耳胡李相甥也故有檳榔之句

看除日月坐中銓一歲應無官九遷蕙韭盈盤市門食詩書滿枕客床氈留連節物孤朋酒惱亂隣翁謁子錢誰料丹徒布衣得困窮且忍試新年

丁未同升鄉里賢別離寒暑未推遷蕭條羈旅深窮巷蚤晚聲名上細氈碧嶂清江元有宅白魚黃雀不論錢檳榔一斛何須得李氏弟兄佳少年

畏人重祿難堪忍閱世浮雲易變遷徐步當車飢當肉餽頭為枕草為氈元無馬上封侯骨安用人間使鬼錢不是朱門爭底事清溪白石可忘年

上蕭家峽

玉寄峯前幾百家山明松雪水明沙越虛人在烟菴竹萌煙蕨菜晚年本云越虛人在烟中語荷蓀歸未有蕨菜

何蕭二族

西漢功名相國多南朝人物數諸何向來富貴喧天地亦有文章在澗阿

魏夫人壇

獨掃蛾眉作遠山春風瑤草照朱顏我來欲問許玉斧十四峯如髻鬟

隱梅福處

吳門不作南昌尉。上疏歸來朝市空。笑拂巖花問塵世。故人子是國師公。

蕭子雲宅

郁木坑頭春鳥呼。雲迷帝子在時居。風流掃地無尋處。只有寒藤學草書。

避秦十人

九真承詔上龍胡。盡是驪山所送徒。唯有鄧公留不去。松根楷鼎煮菖蒲。

黃雀

牛大垂天且割烹。細微黃雀莫貪生。頭顱雖復行萬里。猶和鹽梅傳說羹。

到官歸志浩然二絕句

雨洗風吹桃李淨。訟聲聒盡鳥驚春。滿舡明月從此去。本是江湖寂寞人。

鳥鳥未覺常先曉。笋蕨登盤始見春。斂手還他能者作。從來刀筆不如人。

出迎使客貧明放船自瓦窑歸

鼓吹喧江雨不開。丹楓落葉放船回。風行水上如雲過。地近嶺南無鴈來。樓閣人家捲簾幕。菰蒲鷗鳥樂灣洄。惜無陶謝揮斤手。詩句縱橫付酒杯。

送酒與畢大夫

淺色官醅昨夜篤。一樽聊付卯時投。甕邊吏部應歡去吾殊勝平原老督郵。

奉寄子由 大臨

鍾鼎功名淹筦庫。朝廷翰墨寫風煙。遙知道院頗岑寂。定是壺中第幾天。歷下笑談漫一夢。江南消息又餘年。動心忍性非無意。吏部如今信大顛。

奉答元明 轍

故人聚散霜前葉。往事渺茫風際烟。將宦一生非有已。隱居萬事不由天。崎嶇檻穽方謀食。笑傲山林肯計年。賴已將心問盧老。相逢他日笑風顛。

次韻奉寄子由

半世交親隨逝水。幾人圖畫入凌煙。春風春雨花經眼。江北江南水拍天。欲解銅章行問道。定知石友許忘年。春令各有思歸恨。日月相催雪滿顛。

再次韻奉答子由

蠶尾銀鈞寫珠玉。剡藤蜀繭照松煙。似逢海若談秋水。始覺醯雞守甕天。何日清揚能覲面。只今黃落又凋年。萬錢買酒從公醉。一鉢行歌聽我顛。

再次韻寄子由

想見蘇耽携手僊。青山桑柘冒寒煙。麒麟墮地思千里。虎豹僧人上九天。風雨極知鷄自曉。雪霜寧與菌爭年。何時確論傾樽酒。醫得儒生自聖顛。出素問

次韻寄上七兄

學得屠龍長縮手。鍊成五色化蒼煙。誰言遊刃有餘地。自信無功可補天。啼鳥笑歌追暇日。飽牛耕鑿望豐年。荷鋤端欲相隨去。邂逅青雲恐疾顛。

吉老受秋租輒成長句

黃花事了綠叢霜。蟋蟀催寒夜。夜床愛日捃收如盜至。失時鞭朴柰民瘡。田夫田婦看賴檐。江北江南稼滌場。少忍飛糠眯君眼。要令私廩上公倉。

再次韻和吉老

今日僕姑晴自語。愁陰前日雪鋪床。三冬一雨禾頭濕。百斛幾痕牛頰瘡。民欲與翁歸作臘。公方無事可開場。相勸凍坐真成惡。愧我偷閑飽太倉。

招吉老子觀梅花

搔癢眯眼丞良苦。鳴鼓連村尉始歸。及取江梅來一醉。明朝花作玉塵飛。

寄黃從善

故人千里隔談經。想見牛刀刃發硎。渴雨芭蕉心不展。春楊柳眼先青。見飛華縣郎官宰。虹貫江南處士星。天子文思求逆耳。吾宗一為試雷霆。

登快閣

癡兒了却公家事。快閣東西倚晚晴。落木千山天遠大。澄江一道月分明。朱絃已為佳人絕。青眼聊因美酒橫。萬里歸船弄長笛。此心吾與白鷗盟。

題息軒

僧開小檻籠沙界。鬱鬱參天翠竹叢。萬籟參差寫明月。一家寥落共清風。蒲團禪板無人付。茶鼎薰爐與客同。萬水千山尋祖意。歸來笑殺舊時翁。

從時中乞蒲團

僕屋陰風雪作團。織蒲投我曷宜寒。君當自致青雲上。快
取金鞍覆馬鞍。

答余洪範二首

道在東西祖。詩如大小山。一家同雪月。萬事廢機關。天上
麒麟閣。山中虎豹閑。何時得立壑。明鏡失朱顏。
懸罄齋厨數米炊。貧中氣味更相思。可無昨日黃花酒。又
是春風柳絮時。

題安福李令朝華亭

丹楹刻楠上。淨潔表表。江山路略。作眼平。曉日成霞。張錦
綺。青林多露。綴珠纓。如旋磨。觀群蟻。田似圍碁。據一枰。
對茶昏昏。迷簿領。暫來登覽。見高明。

寄野中之戶曹

古州司戶官。誰小曾。屈詩人杜。香書。今日宣城。讀書。各。選
趨。寺。板。榜。禁。門。江山。依舊。歲時改。桃李。欲開。煙雨。昏。公。沙
但呼。紅袖。飲。剡。傳。歌。曲。教。新。翻。

次韻古老十小詩

十襲發。研刀。無名自貴高。秋衣猶葛製。午飯厭溪毛。
萬木霜搖落。山呈斧鑿痕。癡蠅思附尾。驚鶴畏乘軒。
日短循除廡。溪寒出日斜。官居圖畫裏。小鴨睡枯荷。
眼看人換世。手種木成陰。藏拙無三窟。談禪劇七禽。
寒水幾痕落。秋山萬竅號。紅梨啄鳥鵲。殘菊掛螭蛸。
佳人斗南北。美酒下東西。夢鹿多真鹿。無雞應木雞。
斷鼻昔常尔。絕絃知者稀。無人與爭長。惟有釣魚磯。
茵席絮剪蠶。枕囊收決明。南風入畫夢。起坐是松聲。

半菽一瓢飲懸鷄百結衣蕭條鬼不懼聊可與同歸
學似斷輪扁詩如飯顆山室中餘一劔無氣斗牛間

歐陽從道許寄金橘以詩督之從道參禪嘗有言
向來頗聞數從歌

舞飲故
及之

禪客入秋無氣息想依紅袖醉氈毳霜枝搖落黃金彈許
送筠籠殊未來

黃幾復自海上寄惠金液三十兩且曰惟有德之
士宜享將以排蕩陰邪守衛真火幸不以凡物畜
之戲答

破面黃須已一翁樽前猶發少年紅金丹乞與煩真友只
恐無名常籍中

和七兄山贖湯

厨人清曉獻瓊糜正是相如酒渴時能解飢寒勝湯餅略
無風味笑罇鷓打窻急雨知然鼎亂眼睛雲看上匙已覺
塵生雙井椀濁醪從此不須持

奕棊二首呈任公漸

偶無公事負朝暄三百枯棊共一罇坐隱不知巖穴樂手
談勝與俗人言簿書堆積塵生案車馬淹留客在門戰勝
將驕疑必敗果然終取敵兵翻

偶無公事客休時席上談兵校角一作兩棊心似蛛絲遊碧
落身如凋甲化枯枝湘東一目誠其死天下中分尚可持
誰爲吾徒猶愛日參橫月落不曾知

次韻幾復答予所贈三物三首

誰憐湖海士白髮夜窻繁風雨鷄不已詩書眼尚明禪杖

安宿鳥僧粥。孔華鯨。但滿五車讀。行看一座傾。

右石燈檠

絕域蓋微露。他山苗蓄鑪。薰衣作家想。伏枕夢閨姝。遊子官蟻穴。謫仙居瓠壺。當時有憂樂。回手亦成無。

右石博山

九原誰復起。糟魄未傳心。不取丁儀米。疑成校尉金。名從高位借。德有下潦沉。筆削多瑕點。猶希畏友箴。陸有德人沉救俗規。如此慵疎廢古今。

右石刻

靜居寺上方。南入一徑有釣臺。氣象甚古而俗傳。謬妄意嘗有隱君子。漁釣其上。感之作詩。

避世一丘壑。似漁非世漁。獨吟嘉橘頌。不遺子公書。筭蕨園林晚。絲緡歲月涂。安知泊容子。紅袖泣前魚。

侯尉之吉水覆按未歸三日泥雨戲成寄之

歎息侯嬴老。尉曹鞍馬疲。山花迷部曲。江雨壓旌旗。越鳥勸沽酒。竹鷄憂蹋泥。不知何處醉。遥寄解醒詩。

侯尉家聽琵琶

舫齋蒼竹雨聲中。一曲琵琶酒一鐘。恰似潯陽江上聽。只無明月與丹楓。

次韻吉老寄君庸

何郎生事四立壁。心地高明百不憂。白眼醉來思阮籍。碧雲吟罷對湯休。諸公著力書交上。尺璧深藏價未酬。空使君如巢幕燕。將鷓處處度春秋。

寄袁守廖獻卿

公移猥甚叢生矣。訟牒紛如蜜分窠。少得曲肱成夢蝶。不堪衙吏報鳴鼉。已荒里社田園了。可柰春風桃李何。想見宜春賢太守。無書來問病維摩。

廖袁州次韻見荅并寄黃靖國再生傳次韻寄之
春去懷賢感物多。飛花高下冒絲窠。傳聞治境無疾虎。更道豐年鳴白鼉。史筆縱橫窺寶鉉。干室作按神記徐鉉作董詩才清壯近陰。何寄聲千萬相勞苦。如倚胡床得按摩。

袁州劉司法亦和予摩字詩因次韻寄之
袁州司法多兼局。日莫歸來印幾窠。詩罷春風榮草木。書成快劍斬蛟鼉。遙知吏隱清如此。應問卿曹果是何。頗意病餘居士否。在家無意食羅摩。

次韻奉荅吉老并寄何君庸

傾懷相見開城府。取意閑談沒日窠。但取吏曹無伎倆。任呼舞女代靈鼉。屢中甕面酒幾聖。苦憶樽前人姓何。願得兩公俱助我。不唯朱墨要漸摩。

聞吉老縣丞按田在萬安山中

苦雨初聞喚婦鳩。紅粧滿院木葉秋。樽前不記崔思立。應在諸山最上頭。

次韻喜陳吉老還家二絕

公庭無事吏人休。垂箔寒廳對弈秋。催織青籠篋白酒。竹爐煨栗煮鷄頭。

夜寒客枕多歸夢。歸得黃柑紫蔗秋。小雨對談揮麈尾。青燈分坐寫蠅頭。

再次韻和荅吉老二首

水宿風飡甚勞苦。勉旃吾子富春秋。我愧疲民欲歸去。麥田春雨把鋤頭。

賢勞王事一歸休。霜落園林失九秋。想得君家烏鵲喜。蛛絲縈繞玉搔頭。

雙澗寺二首

二水泚泚鳴屋除。松林落日吼烏菟。老僧更有百歲母。白髮身為反哺鳥。

山陬江深屋翠崖。夜鍾聲自甕中來。長松偃蹇蒼龍臥。六月澗泉轟怒雷。

醱醪

漢宮嬌額半塗黃。入骨濃薰賈女香。日色漸遲風力細。倚欄偷舞白霓裳。

奉荅李和甫代簡二絕句

山色江聲相與清。卷簾待得月華生。可憐一曲並船笛。說盡故人離別情。

夢中往事隨心見。醉裏繁華亂眼生。長為風流惱人病。不如天性總無情。

次韻奉荅廖袁州懷舊隱之詩

詩題怨鶴與鷺猿。一幅溪藤照麝煙。聞道省郎方結綬。可容名士乞歸田。嚴安召見天嗟晚。賈誼歸來席更前。何況班家有超固。應封定遠勒燕然。

觀王主簿家醱醪

肌膚冰雪薰沉水。百草千花莫比芳。露濕何郎試湯餅。日烘筍令炷爐香。風流徹骨成春酒。夢寐宜人入枕囊。輸與

能詩王主簿瑤。瑤墓影裏據胡床。

社日奉寄君庸主簿

花發社公雨陰寒。殊未開初聞燕子語。似報玉人來。遮眼便書冊。挑聾欺酒盃。傳聲習主簿。勤為撥春醅。

北窓

生物趨功日夜流。園林才夏麥先秋。綠陰黃鳥北窓筆。付與來禽安石榴。

洪範以不合俗人題廳壁二絕句次韻和之

寂寥吾道付萬世。忍向時人覓賞音。搔首金城西萬里。樽

前從此歎人琴。德占景知洪範

埋沒高才築釣間。風雲未會要鯢桓。南康郡下參軍耳。付與紅塵白眼看。

次韻答杜仲觀二絕

鳥啼花動却春寒。雨壓青旗卷畫干。多事今年廢詩酒。煩

君傳語問平安。

重簾複幕和風雨。無柰催沽鳥喚人。只是樽前欠狂客。舞娃冰雪酒磷磷。

再次韻杜仲觀二絕

短舞朱裙慙醉者。惜公官守隔江干。遙憐得句無人賞。走馬城東覓道安。

詩家二杜見仍雲。佳句風流照映人。青眼向來同醉醒。白頭相望不緇磷。

次韻元翁從王夔玉借書

為吏三年弄文墨。草萊心徑失耕鋤。常思天下無雙祖。得

讀人間未見書。公子藏山真富有。小儒捫腹正空虛。何時
管籥入吾手。為理籤題撲蠹魚。

奉和孫奉議謝送菜絕句

春蔬照映庾郎賓。遣騎持籠佐茹葷。却得齋厨厭滋味。白
鵝存掌鬻留裙。

學元翁作女兒浦口詩

五老峯前萬頃江。女兒浦口鴛鴦雙。驚飛何處沙上宿。夜
雨釣船燈照窻。

去歲知元翁重到雙澗寺。觀余兄弟題詩之篇。總

忘收錄。病中記憶成此詩。

素琴聲在時能聽。白鳥盟寒久未尋。眼見野僧垂雪髮。養
親元不顧朱金。開泉浸稻雙澗水。煨笋充盤春竹林。安得

一屣吾欲老。若此注馬病詩吟。

次韻知命入青原山口

坑路羊腸繞稻田。碁局方林間塔餘寸。風外竹斜行。吠客
犬。反走驚人鳥。空忙山形與祖印。岑絕兩相當。

次韻古老知命同遊青原二首

洗鉢尋思去。論詩匡鼎來。鴉窺錫處井。魚泳釣時臺。垂足
收親子。存身豆劫灰。僧離手金鑰。一為道人開。

至人未有會。吾道本無家。閱世魚行水。遺書鳥印沙。齋盂
香佛飯。法席雨天花。時有清談勝。還同歎永嘉。

次韻十九叔文臺源

聞道臺源境。鉏荒三徑通。人曾夢蟻穴。鶴亦怕鷄籠。萬壑
秋聲別。千江月體同。須知有一路。不在白雲中。

次韻曾都曹喜雨

水旱國代有人神理本通編
雲祠小大敢指蜺雌雄
地厭焚煖極天回顧盼中
蛟龍起垂臥星斗晦澄空
雲挾雷聲走江翻電脚紅
龍光歸稼穡滴瀝在梧桐
波訟猶相及時霖恐未豐
繫齋斲得歲同病託諸公

和李才甫先輩快閣五首

山寒江冷丹楓落
爭渡行人簇晚沙
菰葉蘋花飛白鳥
一

張紅錦夕陽斜
赤欄終日倚西風
山色接藍小雨中
將老鬢毛秋著木
相思親舊水連空

長江淡淡吞天去
甲子隨波日日流
萬事轉頭同墮甑
一身遺世作虛舟

雲橫章貢雨翻盆
寺下江深水到門
落日荷鋤人著本
西風滿地葉歸根

西南嘉氣浮馬祖
東北祥風繞靜居
山色豐年人少訟
身來訪道得齋魚

幾道復覓檳榔

蠻煙雨裏紅千樹
逐水排痰腹後方
莫笑忍飢窮縣令
煩君一斛寄檳榔

發贛上寄余洪範

二川來集南康郡
氣味相似相和流
木落山明數歸雁
鬱孤攔楫繞深秋
宵中淳于吞一石
塵下庖丁解十牛
它日欲言入不解
西風散髮棹扁舟

同韻和元明兄知命弟九日相憶

華囊南渡傳詩句摹寫相思意篆真九日黃花傾壽酒幾
回青眼望歸塵蚤為學問文章誤晚作東西南北人安得
田園可溫飽長拋簪紱裹頭巾
萬水千山厭問津芭蕉林裏自觀身鄰田雞黍留熊也風
雨關河走阿秦鴻鴈池邊照雙影脊令原上憶三人年年
獻壽須歡喜白髮黃花映角巾

題吉州承天院清涼軒

菩薩清涼月遊於畢竟空我觀諸境盡心與古人同僧髮
侵眉白桃花映竹紅儻來尋祖意展手似家風

題槐安閣并序

東禪僧進文結小閣於寢室東養生之具取諸左右而
足被雖聞中天之臺百常之觀蓋無慕嫫之心予為題

曰槐安閣而賦詩夫據功名之會以嫫嫫一世其與蟻
丘亦有辨乎雖然陋蟻丘而仰泰山之崇岷猶未離乎
俗觀也

曲閣深房古屋頭病僧枯兀過春秋坦水蛛網蒙窗牖萬
象縱橫不繫留白蟻戰酣千里血黃梁燃熟百年休功成
事遂人間世欲夢槐安向此游

太和奉呈吉州縣丞

山擁鳩民縣江橫決事廳士風尊健訟吏道要繁刑能毓
今無種蒲盧教未形三多齋囁氏村謝宋庠丁令尹三年
課斯人萬物靈吾方節豈弟僚友助丹青今漢書音開

有此姓
音諫也

立春

外集七
非苗香莫餅野老亦知春看鏡道如咫
清樓梅照人

子範微巡諸公捕逐群盜幾盡輒作長句勞苦行
李

白髮尉曹能挽弓著鞭跨馬欲生風
乃元本是文章伯此老真成矍鑠翁
袍鼓諸村宵警報牛羊歲歲莫牢空得公
萬戶開門臥看取三年最治功

喜太守畢朝散致政

膏火煎熬無妄災就陰息迹信明哉
功名富貴兩蝸角險阻艱難一酒杯
百體觀來身是幻萬夫爭處首先回
曾中元有不病者記得陶潛歸去來

戲贈南安仁柳朝散

柳侯風味晚相見衣袂頗薰荀令香
桃李能言妙歌舞樽前一曲斷人腸
洞庭歸客有佳句庾嶺梅花如小棠
乘興高帆少相待淮湖江月要傳觴

睡起

柿葉鋪庭紅顆秋薰爐沉水度衣篝
松風夢與故人遇同駕飛鴻跨九州

次韻君庸寓慈雲寺待韶惠錢不至

主簿看梅落雪中閨人應賦有飛蓬
問安兒女音書少破笑壺觴夢寐同
馬祖峯前青未了鬱孤臺下水如空
江山信美思歸去聽我勞歌亦欲東

次韻奉答存道主簿

主簿朝衣如敗荷高懷千尺上松蘿
旅人爭席方歸去秋水黏天不自多
學到會時忘繫可詩留別後見羊何
向來

四海習鑿齒今日期君不啻過

題神移仁壽塔

十二觀音無正面誰令塔戶向東開
定知四梵神通力曾借六丁風雨
惟蠅說水霜如夢寐鷄聞鍾鼓亦驚猜
從今不信維摩詰斷取三千世界來

題海首座壁

騎虎度諸嶺入鷗同一波香寒明鼻觀
日永稱頭陀

題仁上座畫松

偃蹇松枝隔煙雨知儂定是歲寒材
百年根節要老硬將恐崩崖倒石來

次韻漢公招七兄

白髮霏霏雪點斑朱櫻忽忽鳥銜殘
公庭休吏進湯餅語

燕無人窺井欄詩句多傳知有暇道人相見不應難
老郎

親屈延處士風味依稀如姓桓

桓冲禮處士劉璘之鄭藜甚厚

送高士敦赴成都鈐轄二首

玉鈐金印臨參井控蜀通秦四十州
日下書來望鴻鴈江頭花發醉蘿緜
巴滇有馬駒空老林箐無人葉自秋
能為將軍歌此曲鳴機割錦與纏頭

捧日高宣事東京四姓侯軍中聞俎豆
廟勝脫兜鍪燒燭海棠夜香衣藥市秋
君平識行李河漢接天流

次韻子瞻元夕扈從端門三首

赭黃繖底望龍章不斷唯聞寶炬香
一片韶音歸複道重瞳左右列英皇

端門魏闕鬱崢嶸燈火如山輦路平
不待上林鴛百轉教

坊先已進春聲

仗下蕃夷各一羣。機泉如雨自續紛。諦觀香案傍邊更却。是茅山大小君。

次韻子瞻送穆父二絕

渺然今日望人材。每見紫芝眉宇開。又觸惠文江海去。快帆誰與挽令回。

謫官猶得住蓬萊。抱牘人稀書卷開。張敞無眉應急召。董宣強項莫低回。

和子瞻內翰題公擇舅中丞山房

幽人八座復中臺。想見書堂山杏開。四十餘年僧屈指。時因秋鴈寄聲來。

以潞公所惠採茅送公擇次舊韻

慶雲十六升龍樣。國老元年密賜來。披拂龍紋射牛斗。外家英鑒似張雷。

承吏部蘇尚書右選胡侍郎皆和鄙句次韻道謝不待烹茶喚睡回。天官兩宰和詩來。清如接筧通春溜。快似揮刀斫怒雷。

奉同公擇作棟芽詠

赤囊歲上雙龍壁。囊貢小團亦單疊。唯棟芽則雙疊。曾見前朝盛事來。想得天香隨御所。延春閣道轉輕雷。元豐未作。延春閣。

今歲官茶極妙而難為賞。音者戲作兩詩用前韻。鷄蘇狗蠶難同味。懷取君恩歸去來。青箬湖邊尋顧陸。白蓮社裏覓宗雷。

乳花翻碗正眉開。時若渴羗衝熱來。知味者誰心已許。維

摩雖默語如雷

公擇用前韻嘲戲雙井

萬仞峯前雙井塢，婆娑曾占早春來。如今摸索蒼龍壁，沈井銅餅漫學雷。

又戲為雙井解嘲

山芽落磴風回雪，曾為尚書破睡來。勿以姬姜棄顯類，逢時瓦釜亦鳴雷。

奉同六舅尚書詠茶碾煎烹三首

要及新香碾一盃，不應傳寶到雲來。碎身粉骨方餘味，莫厭聲喧萬壑雷。

風爐小鼎不須催，魚眼長隨蟹眼來。深注寒泉收第一，亦防朽腹爆乾雷。

乳粥瓊糜霧脚回，色香味觸映根來。睡魔有耳不及掩，直拂繩床過疾雷。

王立之以小詩送並蒂牡丹戲答

分送香紅惜折殘，春陰醉起薄羅寒。不如王謝堂前燕，曾見新粧並倚欄。

露晞風晚別春叢，拂掠殘粧可意紅。多病廢詩仍止酒，可憐誰在與誰同。

題子瞻書詩後 六言

詩就金聲玉振書，成蠶尾銀鈎已作青雲直上。何時散髮滄洲

戲贈高述 六言

江湖心計不淺，翰墨風流有餘。相期乃千載事，要須讀五

車書

與李公擇道中見兩客布衣班荆而坐對戲奕秋因作絕
兩客班荆覆局圖省人車馬溷泥塗文昌八座鄰樞極天
上歸來愧不如

題歸去來圖二首

日日言歸真得歸迎門兒女笑牽衣宅邊猶有舊時柳漫
向世人言昨非

人間處處猶崔子豈忍更令三徑荒誰與老翁同避世桃
花源裏捕魚郎

題陽關圖二首

斷腸聲裏無形影畫出無聲亦斷腸想得陽關更西路北
風低草見牛羊

人事好乖當語離龍眠見出斷腸詩渭城柳色關何事自
是離人作許悲

次韻荅少章聞鴈聽鷄二首

平生絕少分甘處身要從師萬事忘霜鴈叫羣傾半枕夢
回兄弟綵衣行

朝士聞鷄常半途朱門擁被不閑渠秦郎五起聽三唱殘
燭貪傳未見書

題王居士所藏王友畫桃花杏花二首

凌雲一笑見桃花三十年来始到家從此春風春雨後亂
隨流水到天涯

凌雲見桃萬事無我見杏花心亦如從此華山圖籍上更
添潘閣倒騎驢

戲荅仇夢得承制

結髮從征聽鼓鼙，未曾一展曾中奇。彎弓如月落霜鴈，誰道將軍能賦詩。

橫槊不為萬騎先，傳杯把筆過年年。懷中黃右閑三略，道上青旗漫百篇。

元明題哥羅驛竹枝詞

尺五攀天天慘顏，鹽煙溪瘴鎖諸蠻。平生夢亦未嘗處，聞有鷓鴣飛不到山。風黑馬跪驢瘦嶺，日黃人度鬼門關。黔南去此無多遠，想在夕陽猿嘯間。

題李十八知常軒

身心如一是知常，事不驚人味久長。蓋世功名棋一局，藏山文字紙千張。無心海燕窺金屋，有意江鷗傍草堂。驚破

南柯少時夢，新晴鼓角報斜陽。

次韻奉荅吉鄰機宜

黠虜乘秋屢合圍，上書公獨請偏師。庭中子弟芝蘭秀，塞上威名草木知。千里折衝深寄此，三衙虛席看除誰。與公相見清班在，仁祖重來築舊基。

送曹黔南口號

摩圍山色醉今朝，試問歸程指斗杓。荔子陰成棠隸愛，竹枝歌是去思謠。陽關一曲悲紅袖，巫峽千波怨畫橈。歸去天心承雨露，雙魚來報舊賓僚。

題劉氏所藏展子虔感應觀音二首

人間猶有展生筆，佛事蒼茫煙景寒。常恐花飛胡蝶散，明窻一日百回看。

羣盜挽弓江簸船丹青當在普通前誰能與作赤挽板老
筆猶堪壽百年

以虎臂杖送李任道二首

走送書堂倚絳紗瘦藤七尺走驚蛇晴沙每要交頭拄尋
遍漁翁野老家

未衰筋力先扶杖能救衰年十二三八百老彭嗟杖晚可
憐矍鑠馬征南

謝周文之送貓兒

養得狸奴立戰功將軍細柳有家風一簞未厭魚餐薄四
壁當令兒穴空

戲呈田子平

茸割即非茸割肥羊自是肥羊老夫繞堪一筋諸生贊詠
甘香却歎佳人纖手晚來應廢紅粧荊州衣冠千戶厚意
獨有田郎

太平州作二首

歐靚腰支柳一渦小梅催拍大梅歌舞餘片片梨花雨柰
此當塗風月何

千古人心指下傳楊姝煙月過年年不知心向誰邊切彈
盡松風欲斷弦

長沙留別

折脚鐺中同淡粥曲腰桑下把離杯知君不是南遷客魑
魅無情須早回

贈花光老

浙江衲子靜無塵箇箇莊嚴服飾新何似乾明能效古渠

知北斗裏藏身

題花光為曾公卷作水邊梅

梅蕊觸人意，冒寒開雪花。遙憐水風晚，片片點汀沙。

清明

佳節清明桃李笑，野田荒龍只生愁。雷驚天地龍蛇蟄，雨足郊原草木柔。人乞祭餘驕妾婦，士甘焚死不公侯。賢愚千載知誰是，滿眼蓬蒿共一丘。

元明留別

桃柳笋白映玉箸，椰子酒清宜具觴。市井衣裘半夷夏，陰晴朝暮變炎涼。莫推月色共千里，不寄江南書一行。無賴笳聲上雲漢，曉來偏繞九回腸。

豫章黃先生外集第七

豫章黃先生外集第八

黃庭堅魯直

哀詞一首

張翔父哀詞

墓誌銘二十二首

宛丘懷居士墓衣

陳君碣

黃庭僉墓誌銘

胡府君墓誌銘

有宋君子李正夫墓銘

賀州太守歐陽君墓誌銘

王長者墓誌銘

黃氏二室墓誌銘

董夫人墓誌銘

王氏墓誌銘

單鄉夫人張氏墓誌銘

趙夫人墓誌銘

章夫人墓誌銘

鄒氏墓誌銘

陳夫人墓誌銘

叔母章夫人墓誌銘

永安縣君金氏墓誌銘

章夫人墓誌銘

秋元規夫人墓誌銘

任夫人墓誌銘

湖州烏程縣主簿胥君夫人謝氏墓誌銘

王氏墓誌銘

張翔父哀詞

張苞民翔父往在皖溪口開泉長安嶺下元豐庚申十月
余舟次泉下斟泉淪茗嘉若人之同臭味蓋已夙期與之
交於是繁礪泉上斲土出石爨鼎如龜伏而吐泉乃名曰
靈龜泉勒銘泉石屬裴士章憲之蒔梅石本斬惡木而後
行壬戌六月翔父之息耕護翔父之喪過泉下翔父才德

初下在人後俯仰庸人。不甚出奇見異其於林泉心安。注
服之也。作詩清壯。能為不經人道語。迤回歲晚。揜棺曹溪。
為作哀詞。遺耕且諉翔父之甥。胡僧孺。唐臣鱣之靈龜泉。
上以圖不朽。我觀翔父兮。白壁黃金。蕤蘭九畹兮。寂寞中
林。號鍾清角兮。蛛以為室。子野骨朽兮。誰明此心。驥思天
衢兮。款段參駕。西子掃除兮。嫫母薦衾。萬世一軌兮。螻蟻
同域。志則日月兮。與天照臨。走官窮海兮。齋恨下泉。歸舟
載旌兮。行路沾襟。靈龜伏坎兮。古本風雨。款崖銘詩兮。金
玉同音。九原松聲兮。吾得詩友。遺橐然絕兮。絡緯霜砧。馬
哀寒水兮。琢詞堅石。君有嘉息兮。安知來者之不如。今

宛丘懷居士墓表

聖人不作道不明於天下。晚出之儒玩禮義之名。而陋於

知人心失學問之意而士必以讀書為選以予考於書猶
及見古君子之論人雖瞽師卜祝下至百工之賤因其方
術心通性達總其要歸有合於道德之序者皆以義取之
而不廢也士固不幸而出於取人無定論之時挾魁磊
非常之器而納於流俗之繩墨不資經義文章終無以自
昭於世者若宛丘懷居士為近之居士少喜醫方自神農
草木書黃帝內外經扁鵲倉公之傳無所不觀遂以其方
名為鑿博士為人治齊數有功由此知名居數年厭之以
其方授子孫并致家政築室其旁遠事獨居率月再畢祀
事子孫既自力不敢溷事迺聚浮屠書闔門而讀之寐不
用師渙若水釋雖不多為人道之而性行純熟應對機警
稍稍為人所傳江湖淮浙之濱浮屠屠氏之達者無不來款

聲實既見而歎曰此吾師所謂見鞭影而逝者王公大人
多與之游居士雍容上下使人不可親踈而未見其有求
也既七十歲舉累世不葬通別籍之喪二十餘身辦其事
曰是責在我不當以累子孫異時人疑居士道挾趣足自
容及其與子孫分職皆有條序益知其自得者未可以衡
尺論也居士諱敏字仲訥享年七十有五子和孫邁皆守
其方試國子四門助教世每傳而尤妙於其術古者貴三
世鑿於懷氏益信斯言和於喪葬皆應禮狀居士平生來
請表於墓是為表

陳君碣

陳穀潤之世籍龍游少長魁壘乘不繫舟飯飢衣寒不恤
有無圍碁舉酒品藻圖書賓至如歸士夫師儒晚發家笈

玉板靈樞潛心岐雷越人淳于雲飛必有淵深必鈎聚蓄
藥草以待疾痛蒸暑作厲死相枕藉行人掩鼻君入其舍
藥之粥之爲歸爲救起僵息躍訖不受謝夜半叩門不擇
貧富壽五十九沒於牖下夫人文氏不吝不奢祭祀賓客
內助靜嘉教誨三子皆世其家奉持佛律耆耄不違遺命
慈祥笑語蟬蛻鄉曰以孝里曰和義從宅于祖嘉木駸駸
碣其德音以詔來世

黃庭僉墓誌銘

庭僉莆田黃氏幼少強學游居寢食以書自隨著書二百
卷刺六經失傳正史氏不當名論世合變其說汪洋使學
者斟酌厭飫自趨其歸一時七大夫多傳其書故庭僉未
入臺省名動京師四方劉什石父在揚州得庭僉所著書

以爲似兩漢儒者已而試之對六進士居第一同時學士
大夫絕不敢與比肩而進庭僉一黜於禮部翰林學士鄭
儼御史中丞滕甫知貢舉王珪進士許安世等若干人交
章論薦迺得召試舍人院除撫州司戶參軍國子監直講
以憂去服除權太常寺主簿兼禮院檢詳文字禮祠客膳
四部主簿樞密直學士陳襄薦之於朝曰君命雖蒙收用
未當其能除真州軍事推官知潤州金壇縣事崇文院校
書改館閣校勘元豐己未五月壬申以病卒官享年五十
有五庭僉事親持喪與兄堯俞居貧賤鄉州師用其禮而
歸仁焉對諸生講勸未嘗視日蚤莫爲勸容爲省寺主簿
不循俗媮歲月督程愷姦皆以律令聽之諸公知庭僉不
類小儒面牆吏道方嚮用之而庭僉死矣曾大父仁濟大

父中孚父問通五經里居諸生從受業尚書右丞皇甫泌
誅之口義成逸士庭僉娶林氏四男子皆在童稚四女子
嫁某官方澤某官方安道某官陸如岡其季居室林夫人
以其年月某甲子遂崩於義成之域命族子殿中侍御史
降之銘於豫章黃庭堅庭堅詢事考言作為銘詩其詩曰
義成之丘其栢其松豈曰不伐行人致恭新窆在位昭穆
異宮維義成力穡而無年維金壇逢年而不豐藐是諸孤
載爾耒耜時播時穫對前人功

胡府君墓誌銘

府君諱某字某少孤事母甚力以故貲百金兄子負公錢
遠捕君傾產為償致無以自衣食而不悔出入鄉黨勸善
救過赴人之急難人皆悅之聚經史教兒讀書嚮所乘馬
延士人與之游一縣笑之曰開田以望歲近市而求贏吾
猶時則不獲奚事讀書君不為變已而其子蒙學行有聞
登進士第於是里巷以榮而鄉先生大人以歎其智度遠
也蒙為吉州安福尉某之某官信之永豐令君教以更道
皆可傳元豐二年正月某甲子考終於永豐官舍春秋七
十有一卜以某年月某甲子葬於清江縣修德鄉之原夫
人顏氏三男子長允明蚤卒次則蒙次啓三女子仲蚤卒
其二女子嫁某官羅審禮進士劉渙曾祖某祖某父某居
清江舊矣其上世皆力田故不知其所從來蒙以羅審禮
之狀來乞銘序府君世系行事如此蒙庭堅之友也好學
而文仕能其官足以觀府君之善教敢不銘銘曰
有孫有子其承畀予如土于苗藝麻不忝永豐繩繩以親

譽處維若人之緒既兆元龜宅是吉卜藏以我銘考信終古
有宋君子李正夫墓銘

嗚呼正夫當時而不趨後時而不覩人皆疾驅我車徐徐
不曲而腴寧直而癯以貴釋予瘁而辟除不回之勇辟易
萬夫白首于塗懷璧不沽士不信道寵辱百戰以道觀逢
乃其夜旦丹陽之丘既命著蔡嗚呼正夫安宅無悔

賀州太守歐陽君墓誌銘

君諱問字勉之歐陽氏世傳其先渤海歐陽堅石死趙王
倫事其族人避地長沙故江湖諸歐陽皆祖堅石君爲江
陵人自大父始大父諱企死醴陵令父諱準不仕君以孤
童力學舉進士數不偶以恩賜三禮出身仕累州安州司
法參軍瀘川令改衛尉寺丞知南海縣事當官行其所聞

不以少吏自屈奏書論南平雖朝貢法不應弛邊關其後
卒如君言舉監求通錢鑑歲課辦甚遷太子中舍知賀州
行及陽山而卒年五十有三夫人趙氏於是亦卒一男五
女男曰獻舉進士不墜其家女嫁河源尉梁曠某郡李兼
材某郡秦端友其二女早卒君卒以熙寧十年十月某甲
子獻以元祐元年八月某甲子乃克葬君於當陽之靈山
因子所識荊州教授李雲從來乞銘故予銘銘曰
持詩書賈不得羸以仕易農著廉能迄可治大中隕傾固
安其丘坎有銘吏而勤民尚後興

王長者墓誌銘

長者海昏王氏諱激字永裕祖倫父智世力田喪祭常望
鄉鄰長者天資善治生操奇贏長雄其鄉遂以富饒築館

聚書居游士化子弟皆為儒生則以其業分任諸子獨徜徉於方外道人雲居了元東林常總皆攝杖屨徃遊其藩元祐丙寅正月辛卯終焉享年六十有二前此三年自築丘於青山之西原松檜成列矣去十月過存里中親好相勞苦勸戒若將遠別爰及辛卯中外之弔哭者曰君蓋聞道者邪先配陳氏繼室兩謝氏七男子樹崇信森棣權彬植崇信前死三女子二壻曰董轂高友諒其季未媒也樹等遂以其十月某甲子奉窆窆如初志樹娶李氏女於庭堅毋夫人為族兄弟故樹因乞銘太夫人曰汝以外家故不可辭遂銘之銘曰

以義力其窮以智謝其豐以理考其終以文款其封

黃氏二室墓誌銘

豫章黃庭堅之初室曰蒲溪縣君孫氏故龍圖閣直學士高郵孫公覺莘老之女年十八歸黃氏能執婦道其居室相得惠教誨有遷善改過之美家人短長不入庭堅之耳方是時庭堅為葉縣尉貧甚蒲溪安之未嘗求索於外家不幸年二十而卒殯於葉縣者二十二年繼室曰介休縣君謝氏故朝散大夫南陽謝公景初師厚之女年二十歸黃氏閑於禮義事先夫人愛敬不倦侍疾嘗藥不辭衣至於復常脩禪學定而不廢女工能為詩而叔妹不知也言有宮庭行有防表不皦不汙長少咸安懷之年二十六而卒生一女曰睦才四歲過時而先夫人哭之哀殯於大名者十一年元祐六年先夫人捐館乃克歸二夫人之骨於雙井八年二月從先夫人葬焉同宮而異擲初庭堅年十

七從舅氏李公擇學於淮南始識孫公得聞言行之要啓
迪勸獎使知嚮道之方者孫公爲多孫公憐其少立故以
蘭溪歸之及庭堅失蘭溪數年謝公方爲介休擇對見庭堅
之詩曰吾得婿如是足矣庭堅因往求之然庭堅之詩卒
從謝公得句法嗚呼如蘭溪之女美介休之婦德皆室家
之則也常欲以楚詞哭之而哀不能成文二夫人平生常
恨無男二夫人沒後庭堅始得男曰相它日當使相乞文
於予友而刻之隧以哀其志

董夫人墓誌銘

夫人董氏開封人少入梁氏事尚書水部郎中諱如圭實
生北京留守推官河北轉運司勾當公事鐸通直郎都水
監丞鑄宗室右武衛大將軍彭州刺史克艱之妻鐸三

水部君捐館舍夫人奉嫡夫人永和縣君王氏字其遠
孤穉負抱攜至於男女有家室二子成人事永和如已自
出永和爲夫人有教其後持永和之喪及其襄事春秋皆
如禮意慈祥而不欺喜言人之善而好施享年七十有二
及見孫男女十有五入婚宦者半鑄之妻同安郡主濮安
懿王女也執婦事在寢門其存也榮其歿也哀將葬鐸等
以狀果告曰先夫人終以元豐八年六月辛巳卜以七月
辛酉奉時窀穸其兆在祥符縣北常之源願得銘以垂世
傳後放於二子之交游以夫人誠可銘遂爲銘曰
梁氏之棣其鄂韡韡雖其才良母氏勤止樛木葛藟蕭蕭
于宮有蕢其實茂對本宗淑善壽考燕譽終始銘石下泉
以慰孫子

王氏墓誌銘

王氏女柔字伯惠年若干嫁為京北府櫟陽尉朱春卿之妻生一女而病卒於外家春卿歸其柩葬於岳州巴陵之原祔于其姑柔父稚川余友也為余言柔敏慧孝慈學文知義理觀西方書若有所超殆將蟬蛻塵垢三雪其躬不幸短生哭之哀甚敢乞銘以紓痛則為作銘銘曰
凡命於天甚美難守陶人為鈞賦物常巧火齊孔時坯甃十九器成而舉之墮越于後若人之不淑無所歸歟

單卿夫人張氏墓誌銘

夫人張氏出瀛州河間徙京兆萬年考諱曜當世洵洵與其族臥終南山不出名聲籍籍關中晚出仕為太常博士夫人家居事繼母有聞博士為擇對以嫁平原單公歸而

如如事繼母力貧為家不以累其夫故單公得讀書

登進士第仕而顯於朝以禮終始長如沒夫人襁負其兩兒母之人不謂非已出也夫人屢失子免乳得男而姑病夙夜藥糜不慈其子君子以為難攻苦忍窮垂二十年至於秦而能用其有收卹中外光祿捐館舍則以柩內付子婦而老於堂齋凡薰鑪宴坐終日晚迺游道人宗本法秀之間知生死之說壽八十四力疾饋沐待期而終顧視家人無戀嫪意光祿與今上同名當以字行曰孟陽夫人歷封安定壽安二縣仁壽郡三男子燁鎔皆通直郎灑宣德郎兩女子歸某郡王至言曲陽尉帝延卿夫人終以元豐乙丑七月辛丑葬以其十月某甲子其兆在齊州長青縣天華南管先光祿之吉卜也燁等以陳留李之儀狀來乞

銘之儀道夫人之義甚高且曰詩人所謂女士者將在於此不可以不銘銘曰

夫人居室繼親受福濫觴成江單宗燕睦承尊孝恭撫下仁哀使非已子於予母懷林回棄璧負子逆旅愛日事姑寧絕兒乳朝聞夕死士不及牆玉珥珠襦乃或升堂道無情狀言得則謗委命蟬蛻以觀無妄女德能一國風所嘉能人難能夫人則多光祿有宮歸奉涪櫛作為訓詩告後勿伐

趙夫人墓誌銘

進士李愷快括之母夫人趙氏其父曰紳其夫曰通儒李皆安陸人夫人幼少敏慧讀書誦詩通其義說年十八歸李君夙夜舅姑之所奉順而明微記事能勞燕居不置

媿恩施孔惠孔時族人師用之有女俗持里人并誌物珠璣價十萬急貸於夫人請半價曰是可乾沒夫人曰乘人之後急而利之則害仁尊章在堂而私市則病義智及此又能守之為婦十有三歲二男一女而卒卒時長男始十二歲其顧託之言可傳後十有九年自恬以上皆知學而女子為士人韓操妻於是夫人可無憾元祐改元之二月某甲子鐘寺乃克奉襄事於其縣青木之原王舅之域走數千里來乞銘哀其意予銘銘曰於戲夫人婦德孔有胡不黃耇中棄釋乳考德銘詩以勸歸女亦勸三息欽念母言茂爾德聲慰此下泉

章夫人墓誌銘

夫人章氏某縣君處士慶之女為分寧著姓能以豪右

致學士大夫年二十四歸我伯父祖善祖善黃氏以文學知者皇祐某年進士仕奇不逢以大理寺丞致仕今以奉議郎家居夫人爲婦爲妻舅姑曰齋祀春秋能不勤我夫曰凡吾得盡心宮學者維室家之宜爲母爲姑子順教詔日就月將婦承功緒休其蠶織其爲人勤敏樂易幼少智慮如大人白首而血氣不惰啓手足之日有善言享年六十有七終以元豐壬戌九月某甲子葬以乙丑某月某甲子其山曰馬鞍山二男子曰某曰某曰某三女子嫁黃州判官果卞武昌李康年淮南節度推官林錫夫人於庭堅小功母也太夫人曰吾少歸汝家如遇我有禮汝爲好作銘庭堅則再拜而銘曰
紫陽之山嶽嶺其谷水清山俯一宅其上游且下
祠春秋登彼墟矣訂且祭不汝不隙巍爾松柏無
牧千秋萬歲永安宅

鄒氏墓誌

夫人鄒氏亳州衛真人夫人幼敏慧父仲隱奇之欲以歸士大夫而地寒未能自致也故西京作坊使贈金紫光祿大夫宋君始喪其室李夫人聞夫人之風以幣迎之入宋氏族姍皆稱其懿行享祠能嚴醜問孔時不吝於寒宗不忌於羣妾生子遠與迺而宋君捐館舍遠七歲矣迺才四歲持宋君門戶喪祭如禮粥笄髮間物延致師友成就其子訖於榮養有邑有壽昌於其先誠能悅安之居已下者能慈哀之不愠不求眉壽而康終於邠州迺之官舍享年七十有三宋君諱仲李夫人晉陵

縣太君速爲青州觀察推官而卒。迄今爲承議郎通判
衛州將以元祐五年正月某甲子葬於其城之麓。臺狀
夫人節行來乞銘。銘曰。

昔在漢京高陽郡士輟漢王洗以舌下城惟死事孤
侯高深曲周相漢侯則以功寄雖賣友爲王吉凶夫以
文鳴鴻因燕爵道元述川綜百氏學鄰宗寥々中缺不
嗣夫人之興實維女士其宗無人或在甥出令子若孫
尚似諸鄰

陳夫人墓誌銘

故福州長溪主簿吳君夫人陳氏其父左侍禁知高州
諱祕開封人初高州子男女且十人皆蚤世晚得夫人
幼童慧寤成長淑慎故高州奇此女閱婚久之延以

長溪長溪落人三任慈不可意棄官歸藝花遇人
不可堪其嶮嶮於曾公而上於眉宇之間睥睨畦圃釋
然忘懷以是心通意得於草木之性間雨露而封殖之
能與物爲四時而吳氏花名江南蓋婆娑林立十餘年
而後終雖長溪自得之而夫人燕安田里實有助焉夫
人歸吳氏不及皇姑事長如姑禮外姻來者初不知
其娣姒也自奉養菲薄施畀族黨甚周諸兒皆夫人勸
督宦學也尤喜誦浮屠書平生自力以數萬過子姪念
其春秋高勤誦索氣共諫止之夫人曰人心所安樂國
禁不能沮也其所不願國賞不能勸也吾誦書猶乃翁
蒔花也疾革顧兩侍兒掖坐命二子曰吾處常得終汝
曹可無憾遂瞑實元豐四年九月十二日享年六十一

維夫人少則能婦長則能母陳義甚高疾亟而不亂斯
其可銘長溪諱長裕崇仁人而葬番之東岡夫人祔焉
五男二女其四早卒父中歛令美中進士薦其州女嫁
承務郎郭礼立銘銘曰
在番之陽孔樂東岡維息克孝以夫人藏其松其栢其
杉其栝築丘岑岑尚勿翦伐深谷既陵土不閔瘞刻詩
不磨永孚來世

叔母章夫人墓誌銘

妣母章氏洪州分寧縣人處士諱積之女夫人幼喜誦
書弄筆墨父母禁之與諸女相從夜績待其寢息乃自
程課由是知書事父母居其喪以純孝聞年若干歸於
父妣父某性某山好賓客客某某某貴某夫怡然

從令未嘗不肅給也妣父平日大率常醉或使酒嫚
夫人承之未嘗不以禮也夫人嘗問妣父之不堪醉時
諫曰君終日如是使諸子皆法象何以為家妣父曰吾
兄弟之子多賢克家者自當不法我而法彼也夫人歸
不及舅姑事妣父之所生母李氏如姑禮盡愛盡敬李
氏年八十六乃終其遺言曰吾百無憾不忍捨孝婦去
耳分寧之俗所生母皆服役於其子婦聞夫人之風乃
欣慕焉夫人年三十有四而妣父捐館舍二男二女皆
幼毀瘠殆不勝喪既而幡然改曰我死則負託孤之心
乃致力窳窳之事為二子築屋治生識者以為有男子
之智烈婦之節慈哀使令知其勞逸家人熙熙教子不
威而使其子退而思其言戊寅之歲四月辛卯召其子

回曰吾往時嘗因吾弟楚材聞龍山祖心禪師死生之說吾今日百骸欲潰而不得脫其病安在汝取圓覺經來誦之回誦至地水火風四大各離今者妄身當在何處夫人曰止召婦女告以後事即命掩室而化享年六十有二長子某蚤死次則四女嫁進士南宮元龜王大成回好學知探其本原事親居喪盡敬盡哀將以某年月日葬夫人於脩水之上將地曰迷仙而數千里來請銘於戎州某泣曰安康郡君無恙時嘗言章夫人於我有恩有礼汝等不可忘其敢不銘銘曰
夫人來宅令儀令色不忌不克奉姑如嫡於夫於息致曲而直賢而多能自晦而明身嫠子嬰守節如城靜爲五兵終莫之陵孝子兢兢既卜佳城伐山勒銘遠其悲聲其松其檉斯其棘荆脩竹綠瑩以配其清

永安縣君金氏墓誌銘

天人永安縣君金氏家番禺故廣東轉運使尚書度支郎中諱君卿之第二女供備庫副使夔州兵馬都監梁君在和之妻夫人事繼母以孝聞事其姑如事其母居家富貴歸梁君而安其家信其書奉其戒律年四十則掃除一室謝梁君而齋居社多比丘尼以爲難能也平居笑語雍容雖其所不懌未嘗見聲氣對梁君如賓客處姬妾如娣姒撫諸子如己出喜讀書善筆札諸子皆授經於夫人未嘗從師其子千之有學行士大夫稱焉歲在乙亥月仲冬日某甲子沒於夔州官室兒女姬妾割肉爲祭煉臂然頂刺血書佛經者數人其

慈愛出於忠信可知也。六男子長定之三班借職次千之升之亞之精之百之四女皆在室千之以汝南程旨味道狀夫人內行來乞銘味道立義不侵少許可非其實不傳故敘而銘之銘曰

猗歟夫人在家怡怡來歸祁祁女宗婦師內外具宜賓禮夫子慈愛妾媵退考於室淵默清靜鳴鳩在桑在梅在榛怒之喜之乳哺補紉宴居不惰文史翰墨諸子執經其音秩秩衰門之女夫人有之與門之男千之似之永安錫封以夫介寵千之方興尚賁其龍

辛夫人墓誌銘

夫人姓辛氏諱媛并州軍事推官諱顯仁之女尚書駕部員外郎諱有則之孫贈戶部尚書諱若冲之曾孫其

先隴西狄道人後世猶徙於潁川潁川者維狄道之辛與潁川之辛班班見於史官潁川之辛又多聞人夫人蓋從潁川之居陽翟者也有諱仲甫者以參知政事事熙陵有聲以太子少保致仕贈太師尚書令兼中書令封晉國公是為夫人之高祖也夫人年若干歸為蘇熹道宗之妻若干歲以卒無男子生二女孟蚤卒其仲尚幼卒時道宗為汝州襄城縣主簿某年某月某甲子也以某年某月某甲子葬於潤州丹陽主簿之原附曾王姑之兆將葬道宗告其常所與游豫章黃庭堅曰吾妻不幸蚤世然其行云云有足銘者子為我銘其墓遂用其言為銘銘曰

嗚呼夫人淑慎柔嘉宜婦宜妻歸寧外家始從夫人仕

在襄野視去舅姑如去父母寡笑寡言靜好讀書思齊
古人勇於事夫屏夫浮夸中饋是敕脫笄解髻以羞賓
客婉婉襁褓呱呱女嬰中塗失母啼不成聲不足者年
尚多者德我為銘詩以慰幽安

狄元規夫人墓誌銘

壯士在陰或以辱身夫人秉義不緇不磷人哀其嫠子
哀二女之孰母人恤其緝子惟斯文其不窶養孤能勤
抱書泣爰牲不齊豆以祠秋春女歸有孫負携乃來寧
襄陽文章如漢西京夫子之相子終其畝立狄氏牖戶
莫予敢侮刻銘其丘作憲諸女

任夫人墓誌銘

吾友廖明略自安陸寓書京師乞余銘其妻任夫人之

墓其狀曰任氏歸正一七年三生子男曰耆相耆規女
曰念二不幸年二十五而卒性敏慧頗通書柔婉孝仁
在貧而樂先夫人愛之如已子不幸先夫人即世任不
勝哀閔九旬亦死將以元祐元年十二月癸丑從葬舅
姑之墓次願得銘以塞悲庭堅曰如是可不銘梓州郫
縣有任軫者及其弟更有聲治平進士間遂同年登第
軫父伯傳任尚書都官郎中有人物冰鑑見明略為童
子時曰此人後必以文章顯故以軫之女嫁明略云其
銘曰

委佩兮結縉來有家兮成宜承尊章兮相夫子豐約有
時兮百歲同死忽兮與朝露同晞弃所愛兮無不之刻
詩玄宮兮匪其對食之私逮其成人兮告箱與規

湖州烏程縣主簿胥君夫人謝氏墓誌銘

夫人陳郡陽夏謝氏其世序甚遠代常有人太子賓客
贈禮部尚書諱濤者曾大父也兵部員外郎知制誥贈
司空諱絳者大父也嘗任司封郎中提點成都府路刑
獄公事或以疑似中之坐失官家居者數年已而有大
臣寃其獄天子直之今為屯田郎中通判襄州名景初
者父也夫人方室處靖深姚嬖言動皆顧繩墨父母曰
吾女材必擇所宜歸則以嫁胥君茂謀敦厚敏達
學問自將調湖州烏程縣主簿以卒夫人之歸胥氏年
二十祖姑翰林瑯琊公之配建康太夫人在堂於夫人
為外祖母然夫人終不以外氏故不盡節於夫家禮意
篤密而恩施周內外族媼莫不謂宜其歸永樂初

肅捐館舍烏程又早世生二子輒失之建康君亦終於
堂一人獨存其姑成安韓夫人以立胥氏門戶安患窮
困人視之若將不終日夫人縱觀方外之書求一生之
說時時呻吟應答不類閨門中語或傳於親黨間理致
甚高益知夫人之根惠而韻勝也熙寧乙卯四月輿疾
歸父母家而卒以九月癸酉享年三十有一客其柩於
穰成安君及烏程之弟茂世卜以元豐庚申五月甲子
奉建康之窆窆於是歸夫人之柩於陽翟附烏程之封
使以其狀來乞銘庭堅於夫人妹壻也實敘而銘之銘
曰
敏庸順慈父母受社齋粟雍穆舅姑咸喜譽達州黨燕
及君子宜虔宜歸在嫠不疚不畀之壽則莫承其後無

所歸咎臚臚韓城葬從其夫作銘下宮示後不誣

王氏墓誌銘

夫人豫章王氏宣德郎知宣州南陵縣事楊淑之母也南陵為吏有能聲泣事敬畏處僚友不爭以為夫人之教也元祐七年夫人壽七十有九以四月壬辰考終於南陵之官舍於是南陵以其十二月庚午葬夫人於清江之原楊氏之兆從君與夫人如生禮使來告曰淑斬然在衰削之中不得躬受命幸嘗為僚辱知且愛敢乞銘以圖不朽則敘而銘之夫人少入楊氏事君主君曰太中大夫諱申主母曰南康郡君時氏大夫公初以音作佐郎監開州院法不聽以其孀之官故南康命夫人持節直... 實豆肅給大夫公安焉生一男一女男

則淑也女嫁進士陳發夫人蓋晚而主南陵家事服用平素不有私橐而責淑以清慎奉佛潔齊不聽間言而迪婦以孝酥合飴而弄曾孫忘其耄老於戲是可銘也銘曰

江漢廣矣有渚有沱別而不殊乃同一波從君子蜀攝將相事歸而就列不沮不忌甚順而毅乃膺多福黃髮曲局燕其子之祿其子其婦其孫其曾敬承靈封無有悔懲



